



REPUBLIKA E SHQIPËRISË

**KËSHILLI I QARKUT KORÇË**

Nr. 219 prot.

Korçë, më 17.03.2023

**Lënda: Dërgohen vendimet e datës 17.03.2023 te Këshillit të Qarkut Korçë, për verifikimin e bazueshmërisë ligjore.**

**PREFEKT I QARKUT KORÇË**

**I nderuar z.Prefekt,**

Bashkëlidhur po ju dërgojmë vendimin e miratuar në mbledhjen e Këshillit të Qarkut Korçë , në datën **17.03.2023 ora 10:00-12:00**.

Vendimet që po përcillen për verifikimin e bazueshmërisë ligjore janë:

1. Vendim Nr.2 datë 17.03.2023 “Mbi Miratimin e tavaneve përgatitore për Programin Buxhetor Afatmesëm 2024- 2026
- Raport për miratimin e tavaneve përgatitore për Programin Buxhetor Afatmesëm 2024 - 2026
- Pasqyra e miratimit të tavaneve të të ardhurave për Programin Buxhetor Afatmesëm 2024-2026

**Duke ju falenderuar për mirëkuptimin!**

**Sekretar i Këshillit të Qarkut**

**Bashkim Muço**



REPUBLIKA E SHQIPËRISË

## KËSHILLI I QARKUT KORÇË

### VENDIM

Nr. 02, dt. 17.03.2023

#### ***MBI MIRATIMIN E TAVANEVE PËRGATITORE PËR PROGRAMIN BUXHETOR AFATMESËM 2024-2026***

Në mbështetje të Ligjit 139/2015 “Për vetëqeverisjen vendore”, Ligjit Nr.9936 dt.26.06.2008 “Për menaxhimin e sistemit buxhetor në Republikën e Shqipërisë”, Ligjit nr. 68/2017 “Per financat e vetëqeverisjes vendore”, Ligjit “Për buxhetin e vitit 2023”, Udhëzimit të Ministrisë së Financave nr. 2 date 06.02.2012 “Për procedurat standarte të zbatimit të buxhetit”, Udhëzimit të Ministrisë të Financave dhe Ekonomisë nr. 7 date 28.02.2018 “Për procedurat standarte të përgatitjes të Programit Buxhetor Afatmesëm”, Udhëzimin e Ministrisë së Financave dhe Ekonomisë Nr. 6 datë 28.02.2023 “Për përgatitjen e Programin Buxhetor Afatmesëm Vendor 2024-2026”, Vendimin e Këshillit të Qarkut nr.21 datë 21.12.2022 “Mbi miratimin e programit buxhetor afatmesëm përfundimtar 2023-2025”, me propozim të Kryesisë, Këshilli i Qarkut Korçë

### VENDOSI

1. Të miratojë tavanet përgatitore për përgatitjen e Programit Buxhetor Afatmesëm 2024-2026 sipas tabelës bashkëngjitur:
  - Planin e transfertës së pakushtëzuar
  - Planin e transfertës së kushtëzuar
  - Planin e të ardhurave të Këshillit të Qarkut
2. Për zbatimin e këtij vendimi ngarkohen Sektori i Financës, zhvillimit ekonomik, shërbimeve, burimeve njerezore dhe zhvillimit të territorit dhe Grupi i Menaxhimit Strategjik.
3. Ky vendim hyn në fuqi menjëherë.

Ana VERUSHI

Kryetari i Këshillit të Qarkut

Konceptoi O.Beqiraj  
Juristi Gj. Kristo  
Sek. K.Qarkut B. Muço





REPUBLIKA E SHQIPËRISË

KËSHILLI I QARKUT KORÇË

RAPORT

PËR MIRATIMIN E TAVANEVE PËRGATITORE PËR  
PROGRAMIN BUXHETOR AFATMESËM 2024-2026

Grupi i Menaxhimit Strategjik i kryesuar nga Kryetari i Këshillit të Qarkut ju paraqet raportin mbi vlerësimet dhe parashikimet afatmesme të të ardhurave mbështetur në legjislacionin në fuqi.

**Baza ligjore mbi të cilën është mbështetur puna e GMS :**

- *Ligji nr.139/2015 “Për vetëqeverisjen vendore”*
- *Ligji nr.68 /2017“Për financat e vetëqeverisjes vendore”*
- *Ligji nr. 9936 date 26.06.2008“ Për menaxhimin e sistemit buxhetor në Republikën e Shqipërisë” të ndryshuar.*
- *Udhëzimi i Ministrisë të Financave dhe Ekonomisë nr.23 datë 30.07.2018.“Për procedurat standarte të Programit Buxhetor afatmesëm te njërive të vetëqeverisjes vendore”*
- *Udhëzimin e Ministrise se Financave dhe Ekonomise nr. 6 date 28.02.2023 “Për përgatitjen e Programit Buxhetor Afatmesëm Vendor 20224-2026”*
- *Vendimin e Këshillit të Qarkut nr.21 Date 21.12.2022 “Për miratimin përfundimtar të Programit Buxhetor Afatmesëm 2023-2025 për Këshillin e Qarkut ”*

Raporti i vlerësimit dhe parashikimit afatmesëm të të ardhurave është një hap i rëndësishëm për të garantuar që procesi i planifikimit të shpenzimeve të jetë në përputhje me parashikimin e të ardhurave, stabilitetin financiar si dhe prioritetet strategjike të zhvillimit të Rajonit tonë.

**I. Organizimi i punës për hartimin e PBA –së 2024-2026**

**1. Ngritja e grupit të punës**

Me Urdhër të Kryetarit të Këshillit të Qarkut u ngrit Grupi i Menaxhimit Strategjik për menaxhimin financiar dhe kontrollin dhe për përgatitjen e programit buxhetor afatmesëm 2024-2026, mbështetur në programet dhe aktivitetet të miratuara në Këshillin e Qarkut. Grupi i Menaxhimit Strategjik do të mbështetet në kalendarin për hartimin e programit buxhetor afatmesëm miratuar me Vendim të Këshillit të Qarkut nr. 20 date 21.12.2022.

## 2. Ndarja e kuotave sipas programeve

Në drejtimin e Kryetarit të GMS, grupi i punës ka punuar për planifikimin e Programit Buxhetor Afatmesëm 2024-2026 mbështetur ne:

- Mundësitë reale të realizimit të burimeve të të ardhurave, si kusht për financimin e shpenzimeve.
- Analizën e realizimit të buxhetit në dy vitet paraardhëse si dhe në planifikimin aktiviteteve dhe programeve në Buxhetin e vitit 2023.
- Aktivitetet dhe Programet e miratuara në Programin buxhetor afatmesëm 2023-2025 i miratuar me Vendim të Këshillit të Qarkut nr. 21 datë 21.12.2022, të lidhura me objektivat e zhvillimit të qeverisjes vendore.
- Ndarja e kuotave për transfertën e pakushtëzuar për PBA 2024-2026 do të bëhet mbi bazën e Udhëzimit ne 6 datë 28.02.2023 të Ministrisë së Financave dhe Ekonomisë “Për përgatitjen e Programit Buxhetor Afatmesëm Vendor 2024-2026”
- Parashikimi i pritshëm i realizimit të kontratave për implementimin e Projekteve të fituara me fonde të Bashkimit Europian në kuadër të Programeve të Bashkëpunimit ndërkufitar IPA CBC Greqi – Shqipëri 2014-2020, si dhe fillimi i implementimit të projekteve të reja të Programit IPA 2021-2027.
- Normativat e lejuara të shpenzimeve të miratuara me akte ligjore e nënligjore.

*Tabela e realizimit të të ardhurave sipas programeve për periudhën 2021-2023*

Ne 000/ lekë

Programi	Emërtimi i të Ardhurave	Fakti 2021	Fakti 2022	Plani 2023
01110	Transferta e pakushtëzuar	57758	58691	70025
01110	Të ardhurat e veta	1958	2227	6610
01110	Të ardhurat e trashëguara	64080	64953	69731
01160	Transferta e kushtëzuar	6461	6423	7813
		0	0	0
	<b>Të ardhura gjithsej</b>	<b>130257</b>	<b>132294</b>	<b>154179</b>

- Në planifikimin e tavaneve përgatitore të të ardhurave për Programin Buxhetor Afatmesëm 2024-2026, grupi i punës është mbështetur në nivelet e planifikimit të të ardhurave të miratuara në PBA 2023-2025 me Vendim të Këshillit të Qarkut nr. 21 dt. 21.12.2022, duke marrë parasysh edhe faktin e realizimit të të ardhurave për vitin 2022, si dhe në Udhëzimin nr 6 datë 28.02.2023 të Ministrisë së Financave dhe Ekonomisë “Për përgatitjen e Programit Buxhetor Afatmesëm Vendor 2024-2026”

*Tabela e planifikimit të tavaneve të të ardhurave sipas programeve për periudhën 2024-2026*

Në 000/ lekë

Programi	Emërtimi i të Ardhurave	Plan 2023	Plan 2024	Plan 2025	Plan 2026
01110	Transferta e pakushtëzuar	70025	73161	76296	79432
01110	Të ardhurat e veta	6610	7940	8340	8540
01160	Transferta e kushtëzuar	7813	7950	7950	7950
	<b>Të ardhura gjithsej</b>	<b>84448</b>	<b>89051</b>	<b>92586</b>	<b>95922</b>

- Mbështetur në parashikimin e transfertës së pakushtëzuar sipas Udhezimit nr 6 datë 28.02.2023 të Ministrisë së Financave dhe Ekonomisë “Për përgatitjen e Programit Buxhetor Afatmesëm Vendor 2024-2026”, transfertat e pakushtëzuar është planifikuar përkatesisht për vitin 2024 4.5% më e lartë krahasuar me vitin 2023. Për vitin 2025 me 4.5% krahasuar me vitin 2024, dhe për vitin 2026 me 4.1% krahasuar me vitin 2025. Mendojmë se kjo është një rritje relativisht e mirë duke patur parasysh aktivitetet dhe programet e parashikuara për këtë Program Buxhetor Afatmesëm si dhe niveli i ulët i të ardhurave që realizin Këshilli i Qarkut. Transfertat e pakushtëzuar kap rreth 83 % të buxhetit në total.

Lidhur me planifikimin e transfertës së kushtëzuar ( fondet e deleguara për DAMT në qark ) grupi i punës, duke patur parasysh edhe aktivitetin e kësaj drejtorie, nivelin e rritjes së transfertës së pakushtëzuar si dhe rritjen e ndjeshme të nivelit të transfertës të kushtëzuar për vitin 2023 krahasuar me vitin 2022, propozon që rritja e këtij treguesi për vitet 2024,2025,2026 të jetë mbi nivelet e Programin Buxhetor Afatmesëm 2023-2025 të miratuara në Këshillin e Qarkut në Dhjetor 2022, afersisht me të njëjtën % rritjeje që ka pësuar transfertat e kushtëzuar për vitin 2023 krahasuar me vitin 2022.

Lidhur me planifikimin e të ardhurave të vetë institucionit, grupi i punës mori në analize realizimin e tyre në tre vitet paraardhëse, si dhe legjisllacionin në fuqi dhe gjykoj që niveli i të ardhurave të planifikohet me një rritje prej 20% për vitin 2024 krahasuar me vitin 2023. Për vitin 2023 planifikimi i të ardhurave që priten të realizohen është bërë më i ulët krahasuar me vitin 2022, kjo për faktin sepse niveli faktit i realizimit është ulur ndjeshëm, si kontributet e Bashkive ashtu edhe të ardhurat nga tarifat. Prandaj edhe të ardhurat e planifikuara për tu realizuar për vitet 2024,2025,2026 janë poshtë parashikimeve që janë bërë në PBA-në e miratuar në Dhjetor 2022. Pavarësisht kësaj grupi i punës ka bërë parashikime optimiste kryesisht për kontributet që Këshilli i Qarkut arkëton nga Bashkitë, dukë shpresuar që për vitet në vazhdim këto kontributë do të rriten. Për vitin 2025 është parashikuar një rritje më me 5% kundrejt vitit 2024 dhe për vitin 2026 me 3% kundrejt vitit 2025. Të ardhurat e veta përbëhen nga kontributi financiar i bashkive dhe të ardhurat nga tarifat e shërbimeve që ofron Këshilli i Qarkut. Aktualisht Këshilli i Qarkut ofron tarifa vetëm nga DAMT dhe shumë rralle nga arkivi i Urbanistikës. Pavarësisht planifikimit, realizimi i të ardhurave të veta vazhdon të mbetet në nivele të ulta, kjo e lidhur kryesisht me realizimin e tyre nga kontributi financiar që bashkitë duhet të derdhin në buxhetin e Këshillit të Qarkut.

Pjesë e diskutimit ishin edhe projekt idetë për aktivitetet që do të parashikohen në vitet në vazhdim me synim arritjen e objektivave të Këshillit të Qarkut. Planifikimi i tavaneve të të ardhurave për tre vitet e ardhshme do të shërbejë si tregues kryesor dhe do të garantojë planifikimin e shpenzimeve sipas programeve dhe aktiviteteve në përmbushje të objektivave të Këshillit të Qarkut, kjo e lidhur edhe me Programin Buxhetor Afatmesëm 2023-2025 përfundimtar të miratuar në Këshillin e Qarkut në Dhjetor 2022.

Disa nga objektivat kryesore të Këshillit të Qarkut të cilat janë marë në konsideratë në hartimin e Programit Buxhetor Afatmesëm janë si më poshtë:

- *Hartimi dhe zbatimi i politikave rajonale dhe harmonizimi i tyre me politikat e qeverisjes qendrore.*
- *Hartimi i Planit Sektorial për një zhvillim të qëndrueshëm ekonomik për territorin e Qarkut Korce.*
- *Pjesëmarrja në Programet ndërkufitare e me gjerë dhe krijimi i partneriteteve për një zhvillim të qëndrueshëm rajonal.*
- *Nxitjen e bashkëpunimit midis njësisve të qeverisjes vendore të Rajonit, si dhe bashkëpunimin ndërrajonal.*
- *Përmirësimi i shërbimeve të ofruara komunitetit dhe sigurimi i një qeverisje më të mire.*
- *Përmirësimi i rolit të Qarkut dhe njësisve përbërëse të tij, në procesin e Integritimit Europian.*

Në përfundim parashikimi i tavaneve përgatitore për Programin Buxhetor Afatmesëm 2024-2026, që do të shërbejnë për procesin e planifikimit të shpenzimeve, është si më poshtë:

Per vitin 2024	<b>89051</b> mijë lekë
Per vitin 2025	<b>92586</b> mijë lekë
Per vitin 2026	<b>95922</b> mijë lekë

### **Grupi i Menaxhimit Strategjik**

Kryetar i Këshillit të Qarkut - ANA VERUSHI

Nënkryetar – MIMOZA SHULI

Përgjegjës i Financës – OLJONA BEQIRAJ

Shef i Kabinetit, Këshilltar Juridik – GJERGJI KRISTO

Këshilltare për Projektet e Bashkimit Europian – MARIELA ALICKOLLI

Specialist për Urbanistikën e Mbrojtjen e territorit - FLODI MERO

Specialist për Shërbimet e Burimet Njerëzore – (vakant, me delegim detyre Oljona Beqiraj)

# KËSHILLI I QARKUT KORÇË

## Tavanet e të Ardhurave për Programin Buxhetor Afatmesëm 2024-2026

### TRANSFERTA E PAKUSHTEZUAR

KESHILLI I QARKUT

ne 000/ leke

2023	2024	2025	2026
70,025.00	73,161.00	76,296.00	79,432.00

### TRANSFERTA E KUSHTEZUAR

Funksion I Deleguar - DAMT

2023	2024	2025	2026
7,813.00	7,950.00	7,950.00	7,950.00

### TE ARDHURA TE PLANIFIKUARA

KESHILLI I QARKUT

2023	2024	2025	2026
6,610.00	7,940.00	8,340.00	8,540.00

### TOTALI

KESHILLI I QARKUT

2023	2024	2025	2026
84,448.00	89,051.00	92,586.00	95,922.00

Kryetare e Këshillit të Qarkut

Ana VERUSHI

